

M109: Himmel und Hölle

153,1 Diu himiliske gotes burg diu ne bedarf des sunnen noh des manskimen
 153,2 da ze lichtenne . in ire ist der gotes skimo der sie al dluhtet
 153,3 in gemeinemo nuzze . daz ist
 153,4 in eben allen . al daz sie wellen . da ist daz gotes zorftel . der unendige tag
 . der burge . tiure liehtfaz . Diu burg
 153,5 ist gestiftet mit aller tiuride meist ediler geistgimmon . der
 himelmergriezzen .
 153,6 der burge fundamenta . die porte ioh die mure . daz sint
 153,7 die tiuren steina der gotes fursthelido . un daz ingehellist aller heiligone
 153,8 here . die der tugentliche in heiligemo lebenne demo burgkuninge
 153,9 ze uurston gezamen . Siu stat in quaderwerke . daz ist ir ewig
 153,10 stift . unde sint ouch dar ane errekket alle gotes trutfriunt . die der
 153,11 hant eruullet die uier euangelia in stater tugent regula . in gelichimo
 153,12 einmuote . Siu ist in iro strazzon daz rot lohezonte golt . daz meinert
 153,13 daz da uurstesot diu tiure minna uberal . der goteliche wistuom . mit
 153,14 allemo wolowille . Siu ist in goldes sconi . samo daz durhlichte glas .
 153,15 alliu durhscouvig ioh durhluther . Da wizzen al einanderen
 unuertougenliche
 153,16 die himilischen erben . die die burg buent in durhskonen tugindan .
 153,17 an aller missetate pfleg . Da richisot . diu minna mit aller
 153,18 miltfrowida . und aller tugidone zala mit staten urasmunde . da uerselet
 153,19 diu warheit daz alte gedinge . da nimet diu glouba ende aller ir
 153,20 geheizze . Da ne habet resti der engilo urosank daz suoitze gotes
 153,21 wnelob . diu geistliche meindi . der wndertiuro bimentstank aller
 153,22 gotes wolon . da ist daz zieriste here allez in einhel . daz dienst
 153,23 ewent sie mit seinfteemo ulizze . Da ist des frides stati aller gnadone
 153,24 bu . Da ist offen uernunst aller dingo . al gotes tougen . daz ist in
 153,25 allez offen . sie kunnen alle liste in selber warheite . der ne habent
 153,26 sie agez . der huge in ne wenket . in ist ein alterbe . eines riches ebenteil .
 153,27 Da ist alles guotes ubergenuht mit sichermo habenne . der durnohteste
 153,28 trost . diu meiste sigera . da n ist forehtone nicht nichein
 153,29 missehebeda . da ist einmuoti . aller mamminde meist . der stilliste
 153,30 lust . diu sichere rawa . da ist der gotes friundo sunder gebiue da
 153,31 n ist sundone stat . sorgono wizzede . da n ist ungesundes nicht heile
 153,32 meist ist der . der untriuwon akust ne taret der nicht . Da ist diu
 153,33 ueste winnesscaft . aller salidono meist diu miltiste drutscaft die
 153,34 kuninglichen era daz unerrahliche lon daz gotes ebenerbe . sin wnniglich
 153,35 mitewist diu lussamiste anesiht . un der siner minnone gebe tiuriste .

154,36 Daz ist daz hereste guot daz der uore gegariwet ist gotes
154,37 trutfriunden mit imo ce niezzenne iemer in ewa . So ist taz himelriche
154,38 eines teilis gitan .
154,39 In dero hello da ist dot ane tode . karot unde iamer . al unfrouwida
154,40 mandunge bresto . beches gerouche der sterkiste sveuelstank .
uerwazzenlich
154,41 genibile . des todes scategruoba alles truobisales . waga .
154,42 der uersvelehente . loug die wallenten stredema uiuriner dunste
154,43 egilich . uinster . diu iemer ewente brunst . diu ureissamen dotbant .
154,44 diu betuungeniste phragina . clagauuoft ane trost . uue ane wolun .
154,45 wizze . ane resti . aller wenigheite not . diu hertiste racha . der handegoste
154,46 ursuoch . daz serige elelentuom . aller bittere meist . kala ane
154,47 uriste . ungnadone uliz . uppige riuwa . karelich . gedozze . uueinleiches
154,48 ahchizot alles unlustes zalsam gesturme . forhtone . biba . zano klaffunga .
154,49 aller weskreio meist . Diu iemer uerente angest . aller skandi gelich .
154,50 daz scamilicheste offen aller tougenheite . leides unende . und
154,51 aller uuewi gelich . marter unerrahlich . mit allem unheile . diu
uueuuigliche
154,52 haranskara . uerdamnunga svereden an all erbarmide . itniugiv
154,53 ser ane guot . gedinge unuerwandellich ubel . alles guotes ateil . diu
154,54 grimmigiste heriscraft . diu uiantliche sigenunft . griuelich gesemine .
154,55 der uulida unsubrigheit mit allem unscone diu tiuualliche anesiht .
154,56 aller egisilich . alles bales unmez . diu leitliche heima . der helle karkare .
154,57 daz richiste trisehus alles unwnnes . der hizzu abgrunde . umbigebillich
154,58 flor . der tiuualo tobeheit . daz ursinnigliche zorn . und aller
154,59 ubelwillo der ist da uerlazen in aller ahtunga uliz . und in alla tarahafti
154,60 der hella erbon ane eites ende iemer in ewa . So ist taz helleriche
154,61 eines teilis getan;